

續
碑
傳
集



續碑傳集卷七十八

江陰繆荃孫纂錄

文學三

徐松傳

畿輔通志

徐松字星伯大興人原籍上虞幼隨父宦京師遂家焉問業錢塘吳錫麒之門九歲應童試學使者奇其文取入邑庠補弟子員年二十舉嘉慶五年鄉試十年乙丑以二甲第一人成進士授編修十三年入直南書房時總司書房者大學士董誥以松淹雅儻才心重之一切應奉文字皆出松手明年奉

詔纂輯唐文因徧視

四庫讀未見書並搜采永樂大典之能成卷帙者十四年

上命視學湖南坐事謫伊犁伊犁將軍松筠夙知松者會有

旨纂新疆志屬松親歷各城周咨彼中情事於是南北兩路馳驅殆徧

采訪冊每攜開方小冊置指南鍼其記山川道里下馬錄之至郵舍則進

僕夫驛卒臺弁通事一一與之講求西域水道記經年風土備悉乃援

古證今成書十二卷采訪冊有圖有敘論河山之襟帶城郭之控制兵食

財賦之儲積田野畜牧之繁滋條分件系顛末詳臚成憲舊章洵稱賅

備御製新疆識略序二十五年夏

賜環道光紀元之歲全書繕進

宣宗成皇帝垂覽

召見奏對西陲情形甚悉

上韙之旋拜中書之

命以其書付武英殿

賜序刊行名曰新疆識略

冊宋訪

松又撮其要領成新疆南北路賦二章

其辭云粵徵西域爰始班書孟堅奉使於私渠定遠揚威於疏勒語其

翔實必在經行走以嘉慶壬申之年西出嘉峪關由巴里坤達伊犁歷

四千八百九十里越乙亥于役回疆度木素爾嶺由阿克蘇葉爾羌達

喀什噶爾歷三千二百里其明年還伊犁所經者英吉沙爾葉爾羌阿

克蘇庫車哈喇沙爾吐魯番烏魯木齊歷七千一百六十八里既覽其

山川城邑考其建官設屯旁及和闐烏什塔爾巴哈臺諸城之輿圖回

部哈薩克布魯特種人之流派又徵之有司伏觀典籍仰見

高宗純皇帝自始禡師首稽故實迄乎偃伯畢系篇章勒方略以三編

界幅員爲四路圖戰地以紀勳伐志同文以合聲均在辰朔時憲之經
釐職方河源之次備哉燦爛卓哉煌煌是用敷陳導揚

盛美將軍罷獵脫長劒以高吟刁斗無聲倚征鞍而瞑寫辨其言語孤
塗撐犁之文存其地名的博蓬婆之號設爲主客本諸見聞有道守在
四夷不取耿恭之賦勞者須歌其事聊比蔥女之詞徒中上書非敢然
也采薇先輩無或譏焉

烏孫使者習於誦訓好徵前聞曲歌出塞詩擬從軍旣諳乎北道之地
域而未究南道之星分會奉檄而行役乃旁搜城郭諸國之遺文則咨
有蔥嶺大夫者吐辭爲經登高能賦揜臧舁之博通紬班勇之記注乃
造廬而請曰吾子觀政西陲服官南路亦將識其形勢而達其掌故乎
願子摛鴻藻敷

景祚祓飾

耆武煥炳

皇度大夫曰唯唯邊矣回部外區是疆基祖國於墨克稟金氣於西方
廓下都於化益紀朝獻於阿衡逮中鄉之發迹值攀鞬之披猖白登圍
而城困藍田溢而陵襄應月壯而事舉占雲鬕而兵揚賣馬邑兮誨盜

略雁門兮報償屯甌脫而犇遏棄斗辟而寇嘗雖董赤申其薄伐衛青
奮彼外攘曾不得塞飛狐之口而虜白羊之王嗟哉冒郤接茲引弓兼
從是患鑿空疇通臂斷其右族逼其東惟久長之深計建都護而鎮控
屯胥鞬而積穀治烏壘以宅中判前後而別部配戊己而寓宮樓蘭斬
而怨報伊循田而威重蓋孝武經營師行則三十二年焉哀平相繼分
國割爲五十五國焉應赤九之會昌輳黃初而順軌習大乘而星居震
先鋒而風靡通舊國於六朝開磧路於萬里晶杯則寶帶偕登活褥共
渾提並至五季之衰不通私市同慶紀獻杵之年懷化授司戈之士砥
鱗兮號錫獨峰兮駝馳珠符兮是佩金印兮屢褫徒以恢大度於羈縻
委遐陬以錯峙疇則牖其民於不侵不叛析其地而我疆我理之哉巍

聖代明明

廟謨天授宏略神輸祕圖登天山而闕號虎臨瀚海而裂豪貆其定準
邵蕩沙幕犁其庭埽其閭固使者之所聞矣蠢茲二豎梟敵獍雛肉骨
生死德情恩渝郭吉受海上之辱張匡詛道旁之弧敢狼心之弗諷肆
蟻聚之未鋤率醜類以煽亂忘怙冒而干誅乃奮

天戈蕩穢平頗爲鵝爲鶴入自庫車一奪氣於託和鼎再褫魄於鄂根
河視探囊之孔易雖亡燾而不赦長蛇遺毒困獸抗顏一鼓堂堂七隊
桓桓駢射生之驍勇奮勦戚之英賢奏膚功以制勝集爪士以摧堅免
三窟以走狡雞連棲而苞亂謀填海於黑水忘壓卵於齊盤玩我弩未
迫我於難力戰疇厲血勇誰殫惟鄂惟特臨陣軀捐納公三公雙義凜
然惟天助順惟

帝誅頑有窖斯米有樹斯丸作士氣以敵愾欽

睿算之獨先信虎臣之矯矯終振旅以闐闐螳拒隆車魚遊沸鼎乘露
行空望風絕影三單臣率兩路師整巢覆橫奔榛除息梗耳疊雙而仰
攻角先折而威逞馘早獻而心傾首來函而路迴秉齊斧而戡亂舉嘛
尼而服猛極勃律而投烽被筠沖而釋警於是引鳳奏於天方炳雲書
於伊洱玃窰器於龍泉寫裏蹏與麟趾人集和通錢流普爾刀佩偃月
劍橫秋水匕首雙銜銀壺四喜海青下韝石蜜包匭豆識噶愛之文匠
鏤嚙嚙之匪表陳嚙克靄之箋字譯陀犁克之史旣通四譯爰建八城
首曰疏勒參贊之庭環列八衛分屯四營臨徙多以爲固據磐藁之崢
嶸次曰依耐新建是名領隊治之如古附庸架沙梁以橫互實咽喉之

所嬰次三寬廣是曰葉奇次四和闐水跡爰基登山涉淵貢玉於斯榮
輝煌之琳宇煥照耀以豐碑導三支以派別撫六城之繁茲次五永甯
不當孔道騰鳧藻以屯開抗鷹落以城抱負地險以牙孽絕根株於再
造更建置之因時酌損益於多寡六曰阿蘇四達經衢溫宿姑墨二國
遣墟擅坑冶以資鼓鑄則貨流於羌胡襟二城而航五渡則路通於舟
車次七屈茨次八焉耆東西並峙接壤鎮之惟渠犂與輪臺處適中而
在茲漢田官之相近唐安西之所治衛拉二族向化來移天覆地載立
盟分旗汗暨貝子授地有差咸統於哈喇沙爾俾牧於裕勒都斯其東
則導以廣安之城開展之邑儻覓火州侵淫風穴回窾駟駭堪輿無色
歎薄人物十不存一壇曼泱泱煩冤拂鬱千百餘里以屬於哈密其西
則域以劒末之谷竭又之民嶢嶢造天蔥嶺輪囷聳福舍種別休循
蟻緣入壁鐵石重圍繩索相引懸度屬賓頭痛身熱與死爲鄰險阻危
害崿嶮岣嶙馬行四十日以極於大秦其南則呢蟒依山帥陰書陽盛
夏含凍不若暴強甌錡絕陁綫天蔽光瘴癘中人往往而僵登降施靡
攀援頡頏三危鳥道四路羊腸棟科捷徑天竺之疆其北則喀克善山
折而東出結爲凌山嶽崆峒崕巨冰百里眩目靡骨騎步相持失不容

髮雪海乍風千軍坐沒陰潛慘廩罄姍敦率于二百里伊犁之域其中
則南河北河雙直如弦樹枝達利流玉于闐左右枝水厥狀井闌計戍
東注緣磧北邊撥換淤岸龜茲通川敦薨溢海連城裂田剛鹵棋累餘
溜龍蟠少禽多鬼霧往雲還星日蔽壑冬夏涵天渾渾泡泡牢蘭之淵
地底流脈壁上醞泉乃會百泓之星海而東爲萬古之河源爾其鼓居
尤處桑樞柳樊瓜廬鑿牖曲突當門環鴉城之水驛聞鼠壤於山村帶
溫湯而成聚映古塔以繚垣亭倚長楊之樹家臨沙棗之園其園則有
榆槐接蔭松柏交柯朱櫻夏綻丹若秋多玉飣蜜父碧綴蘋婆杏移巴
旦參種婆羅木瓜垂枝於空谷羌桃采擷於平阿其圃則有豌豆蠶豆
胡瓜寒瓜茱萸韭薤葫荻翠拂渾心之竹紅分芭攬之花簇雞冠
而翹秀壓狗尾而敬斜若夫七日爲墟百物交互徵逐奇羸奔馳婦孺
則有紅花紫鉶黃牙白坭蛤粉堆青晶鹽耀素雞舌含香馬乳垂露蜜
流刺草之漿淚滴胡桐之樹斗量金綫之礬刀裁白疊之布其或遠方
環寶大賈高貲復有迷迭兜納珊瑚玻瓈齊敦摩澤底珍阿黎薰陸蘆
營辟邪礪齊逮乎阿月渾骨路支必齊答錫蘭脂拔蘭鹿骨柁犀咸梯
航而入市列闐闐而街奇於是眾庶悅豫榮蓄斬祐逐臭以居慕羶而

聚虔禮拜於祇神立祠堂於教主其逢正歲度大年騎沓沓鼓鼙釐凹
睛突鼻溢郭充廛場空獸舞匏巨鐙圓兜離集裘帕聯丸劒跳都盧緣
奏七調彈五弦吹簪簪捫毛員跨高楔歌小天未陀釀酒騰格分錢得
斯捷之疑疑額色帔之翩翩當此之時世家襲職伯克任官多倫戶卹
阿坤藝嫻婦識蠶桑之利農知種植之篇佔畢則亦思替非之字測候
有嚕斯納默之編天降時雨地湧靈泉精鏐在府樂石在縣獨樹盤櫻
舞鶴踟躕盧牟亭毒莫知其然是博望不得侈略於致遠翁孫不得擅
美於屯田彼唐宋之瑣瑣更何足語於籌邊也哉烏孫使者避席而誦
曰茂矣美矣偉創制矣廣矣大矣參天地矣今乃知丹書之貢異白雉
之讓也玉關之通殊珠崖之棄也然

聖天子不疆彼蔥雪同我中冀變彼朔閭同我啟閉易彼衣冠同我佩
璲革彼言語同我文字蓋遐思旅獒慎德之訓深維大禹卽敘之義匪
漸被之有待誠

憲晏之所示若乃談重鎮之措施覘理本之至計明農以養之儲兵以
衛之設學校以教之畫郡縣以莅之建其長立其貳作其利揅其弊則
北路備焉夫其爲疆域也啟莽平鄰澤鹵浮沮表井雍狂闢土排浚稽

之山奄鮮卑之部通五船以爲門披六國以爲戶立惡都奴以爲界棄
烏禪幕以爲虜其前則壘嶺岳巔列障四千貢古魯克之嶺奇喇圖魯
之山徑納喇特之險隘挺博克達之中權鹿圈噴湧而赴浸龍池渴瀑
而成淵鎮雙碑於蒲類凌百磴於祁連其後則包絡寒露之野跨躡眩
雷之塞標鄂博以察畿疆因淖爾以名險介巴勒喀什於斯爲大沙磧
緣其表三島峙其內趨西北以梁入極康居之所在猗宰桑之沮洳望
羅刹而分界越科布多之北鄰爲烏梁海之所屆統土爾扈之新舊按
喀爾喀於內外詖蕩蕩浩浩茫茫騁斜徑涉大荒馳突利士馬良故匈奴
偃蹇於炎漢而突厥桀驚於李唐迨奇渥溫之失政有馬哈木之寢昌
阿魯台之族別綽羅斯之姓彰雄西海以自大衍北支而愈強噶勒丹
之首禍策妄繼而召殃擾我衛藏納我叛亡阻絕我使命侵軼我邊疆
實凶德以世濟乃禍心之包藏赫赫

聖祖奮發神武黃屋雲移白旄宵豎分指金戈三揮玉斧無競維人後
先禦侮戮貳負而陳尸斬溫禺而鼙鼓會幕地而傳觴戢梵天以安堵
狸狌有子封狼生羆野心克肖厲吻仍蘇

世宗震怒載鸞星弧靖遠甯遠判道徂誅靖邊綏遠驅逆亡逋姑衍有

封山之票騎涿邪有外扞之單于鋌鹿投身於走險檻虎失勢於負嵎
縶騎輪與匹馬等拉朽而摧枯穆穆

高宗并包兼容維初年之罷役破二術以坐攻通偏介以易道正戎索
以溝封乃天亡而魄奪斯眾叛而技窮蝸有角而自戰魚終爛而內訌
運算風霆拯民水火六十載之鳴張廿五人而致果漿有提壺弦無折
筈飛尺檄駕單舸卽條枝失其阻害格登摧其駮駮舉九集賽四圖什
墨廿一昂吉廿四鄂拓克皆委質以四月而不必乘其三隙也及乎食
桑詐脫免跳樊崇悔彭寵騎聚蜂蟻肆塘蜩明駝晝絕火輪夜燒四甄
重整六騎潛逃繫頡利以纓組駐落蘭之弓刀捍驛獐之叛換靖包沁
之軒囂懸藁街而骨腐蕩蔥海而氛消蓋
天罰翼行於再定而

神謨制勝於

三朝以視花門之龕暴實遲速之相遼旣戢我戈旣攝我麾廓彼周道
物其土宜俶自山北郡曰鎮西宜禾奇臺二縣相比惟守與令各有攸
司循名考實糾厲成規弊六計以均職應四科以廉事間以戎衛列營
相次屹屹會甯疏榆所治湯湯木壘形同釜底望孚遠之孤懸通眾山

之徑蹊環託壘之畎澮接贊皇之舊基豈鼉思之未改訝龍興之已移
又西迪化是建州一城曰鞏甯治烏魯齊所領縣三丞倅副之易金滿
以阜康有迭屑之處茲維昌吉之西達夾二水以交歧繚峻垣以靖遠
迺西放乎綏來爾其中樞握憲都統建庭北極距其後戶福壽導其前
楹阿勒塔齊之水直界道乎兩城右屯八旗之勁旅左簡九鎮之雄兵
家儲犀渠之甲人服縵胡之纓浮游郊遂阡陌縱橫六道七道二堡相
并聯乎輯懷是屬中營樂全寶昌懷義宣仁星羅畛囿綺錯溝塍甌窰
汚邪流種火耕一種實穫百室斯盈則有野處不暱鄉校之英高鳳漂
麥承宮聽經學肄蛾術歌賓鹿鳴樂詩書之藹藹習仁讓之蒸蒸至其
綴以慶綏枕以嘉德安阜扼要晶河之側霜泛熬波之場戶載淘金之
籍展託里之莽賁陞奎屯之汧汭領布延圖之三旗接塔巴台於直北
建綏靖之金墉徙雅爾之雪磧面額米爾之窟湫負楚呼楚之崩芳四
部環居六營齊闢斯蠻陬夷落之界襲險重固之國而猶未入乎伊犁
之域也翼翼烏孫新疆之柢峻阻豁險握其肯綮外則善塔斯嶺導千
百餘山以周峙內則伊列之川匯九十餘水而橫駛廣輪所經各千餘
里陰陽旣度日星斯揆拓舊築於一城聳惠遠之百雉其南則河流瀕

溶汪洋渺瀰長隄捍禦不墜不馳輓方舟而漕粟咸轉輪而茲儀其北
則瞻德廣仁左右相倚達乎綏定馳道迤邐夾濃蔭以颺輕隱金椎而
雲起其東則惠甯熙春是角是持瞰甯遠之迎曦惜都綱之舊燬高阜
崛岉以俯瞰

貞珉照耀乎萬禩其西則塔勒奇城拱宸西靡或背山之鬼疑或面山
而崎嶇亂經流以深入乃達乎庫隴癸徒觀其街衝輻輳閭巷旁通卅
五爲衡二四爲縱守嚴更以啟閉譙樓聳立乎衢中臨來安而北向心
戀

闕而呼嵩眄

觚棱於天表騰星緯之熊熊升馨香於房祀咸肸蠁於宗工闡幽光於
貞孝迺厲俗而移風協南訛於宣闔首教穡而明農值旱潦而祈報聿
啟佑乎龍宮朝旗獵獵夜鼓鼙鼙沈沈幕府奕奕元戎武士執戟以就
伍眾司操簡以趨公廣諏咨於隊帥交翊贊而和衷察嘉肺之必立典
琛幣之恆充開磨城而齟齬傾羽山以輸銅班駟駿之宛馬審數摩於
和弓莅說澤而平質劑屈景仁而肅軍容市肆儼嘉而相競貨貝隱賑
以告豐祿精焉籌興屯是務惟熟券之番休闢新田而分布溝七里而

渠通河三條而瀆注占墳星以書年樂健兒之應募法百畝於周徹制
公田於殷助旁果樹而牆遮接魚樛而水阜產以恆而習勤地雖廣而
非驚有郭外之受廩指河灣而沿朔已僑寄之胥忘識蓋藏之有素限
一晚以名田惠鉗之守戍表隙地以西區陟高梁而東徠疇畚鍤之
相隨集耕田而齊赴增沃壤於春稽快納總於河渡莫不墾污萊收填
闕灑時風被甘澍故得屢豐接乎青黃荒服臻乎富庶二麥登大有之
祥三疊賡

天章之句至其設兵也屹屹兩營實維駐防西安灤陽涼州莊浪六千
君子守節知方綠旗習農耕作是長關西虎士遷地能良別廿五屯六
城相望移彼索倫自黑龍江拜牲格爾風俗異壤騁騎射之無敵曾不
數乎蹶張察哈爾之駐牧寨喇木以爲疆擇畏吾而分隸馳兩翼之莫
當此皆錯處乎九城以捍衛乎河陽猗錫伯之八屯夾雙渠之泱泱資
雞豚之樂利繕甲矢之堅剛至厄魯之遺種滋愛馬以繁昌沙畢納爾
之後附達什達瓦之先降判上三與下五互南山而作障其置邊衛也
大者卡倫小布克申夜則櫟聚晝則籌巡或移設之無恆或常設之貴
因或添撤之視地更遞易乎冬春或非常而執禁匪過所而莫臻其外

則大宛之國布露之民蘇對之域貴山之人別三準於典屬差六品於外臣驅羊馬而通市納賣幣而來賓卹卉服而無遠察繚絲而必甄若夫考牧詠馬政頒均齊立脫朵便繫驢駁綱驢驂駃騠調駮轡徵異種於汗血整雋乘於屈產將以埒四駿之跡參八駿之班則有騁如意服超閑騰慶吉效平安房祥駿步安端慶雲容與寶花爛斑蓋兩龍呈才於夏后飛黃應瑞於帝軒冠七騶而

錫號啟一笑於

天顏又汎觀於在垌察蕃阜於虞官亦牛羊之銜尾錯牢圖而羣謹旣陟巘而降原復行林而瞻麓順長養於跋蔓禁樵蘇而滋毓檉柳荀蔘於河塹松楠蓊鬱於巖曲神蓂儕功於上黨支連齊品於巴蜀溪泛四葉之菜室貯千歲之穀青剖麥子之瓜翠翦柳葉之菊佩解鹿蔥囊盛鶯粟羊乳垂垂鵠頭簇簇金散地丁紅攢石竹以及芡荇桂荏芣苢篇蓄絺綌犴蒿萐苣勤母益母黃結黃良之屬辨阜物與覈物難悉數而更僕復有變常徵怪熒聽駭目雪沒肝而蓮葩冰堅腹而燕啄雀芋處曠而翹滋石油遇水而騰燭埵嬉紅柳之娃核注青田之醪尤齊諧所不載計然所未錄乃縱獵者傳言賁育張翼河干鳴笳空谷踣儲

胥屬橐籥躍馱駝駢駢掣狐獐蹶麋鹿搏麝羊蹈麝犢冠鷓鴣置撲
朔紫駝毼翬驚熊羆竦鸞虎豹奔衄進則關脰退則洞腹掩澤挂山
風毛雨肉方鬱怒而未息肆鹽利而止戮聊浪乎洲淤巡行乎溝瀆搜
梵書之片石奠雙烈之遺躅考山城之古驛鏡天池之澄綠尋沙井之
詩篇訪故宮之琴木訂誤脫於種羊問舊名於禿鹿證四十八橋之跡
辨九十六種之族命馳旆而計鮮示從禽之不驢於是申憲度考禮樂
展明禋絜粢酌陳簋簠列畢爵舉藉於春田報功於秋穫六宗昭其秩
八蜡致其恪班浮沈與廢縣肅獻酬之交錯舉釋奠而用幣爰舞羽而
歛籥入黨庠而踐節坐里尹而申約莅校比而戒茲讀邦廩而欽若故
得人無介胄地無沙漠興三物而束修懸五品而文莫揚

緝熙而民於變暢

皇風而頌聲作且夫玉盤石鉢所以紀襲美而告成也銅印鐵章所以
詔知懼而懷盈也均椀鼓尊所以誌和眾而安氓也剛甲錯刀所以嘉
歸順而表誠也在昔龍堆未靖小醜縱橫瓜沙築堡張岳移營黔首效
命於魯陳之域牲畜徒迹於波羅之庭方三隴之阻遠遠六月以遄征
而今日耆人經乎內咄之谷地極乎卑闐之城不閉戶以居不齎糧以

行丁壯不見烽燧之警耆老不聞鉦鼓之聲此孰得而孰失亦何回而何貞矧移兵而無僉軍之擾節餉而有度支之贏事變而愈康天培不可傾欽惟

十全場武

廟算先庚利申酉之怨復符乙亥之盪平獻馘終牽於白練露布馳遞乎紅旌猶且理昭虔鞏

德體好生

詩著西師之什

論標開惑之名弄軍俘則致美於肆夏藏靈纛則用戒於佳兵而子大夫侈崑崙之物產炫栗廣之地形騁舌人之博辯泥舊史以爭鳴此東都主人所由興歎於知德而烏有先生復將設詔於見輕也言辭未畢蔥嶺大夫睒然氣下幡然意改乃稱曰大順之積將有開而必因大同之至雖離逃而亦親倚

聖清之煦諭默契合乎鴻鈞卿雲昭貺於縟藻繩河表瑞於清淪馴象鑿山於思茅之境鷄鳩懷音於遼海之濱旣東風之受吏又西母之來賓誕發祥而流慶鍾運會於庚辰今甲子之已復闡帝夏與皇春如尼